

Morning Dogri (NSD) National News Bulletin 13-01-2025

आकाशवाणी

- प्रधानमंत्री नरेन्द्र मोदी होर अज्ज जम्मू कश्मीर च सोनामर्ग सुरंग दा उद्घाटन करगंन।
- प्रयागराज च अज्ज बडलै अमृत स्नान दे कन्नै गौ महाकुंभ 2025 शुरू होई गेआ ऐ।
- उत्तर भारत दे केई सारे राज्ये च अज्ज नमीं फसलें दा प्रतीक लोहड़ी दा ध्यार मनाया जा'रदा ऐ। राष्ट्रपति, उपराष्ट्रपति ते होरने केई नेताएं इस मौके लोकें गी ममारकबाद ते शुभकामनां दित्तियां न।
- ईरान ते यूरोपी मुख्खें बश्कार परमाणु मुद्दें पर त्रीए गेड़ दी गल्लबात अज्ज परतियै शुरू।
- मौसम विभाग नै औंदे 2-3 दिनें दरान उत्तर भारत दे केई हिस्सें च मती ठंड ते धुंध पौने दे असार दस्से न।
- खो खो विश्व कप 2025 अज्ज नमीं दिल्ली च शुरू होआ'रदा ऐ जेह्दे च 20 पुरुष ते 19 महिला टीमां हिस्सा लै करदियां न।

<><><><><><>

PM Tunnel

प्रधानमंत्री नरेन्द्र मोदी होर अज्ज रणनीतिक स्हाबै बड़ी मती महत्वपूर्ण सोनामर्ग सुरंग दा उद्घाटनकरगंन। एह्दे कन्नै श्रीनगर ते सोनामर्ग बश्कार हर मौसम च राबता उपलब्ध होग। अपने दौरे दरान प्रधानमंत्री होर उत्थें लग्गे दे कम्मगारें कन्नै मलाटी करगंन ते कम्में दा जस उनेंगी दिंदे होई उंदे प्रति सम्मान प्रगट करगंन। एह्दे निर्माण पर 2 जहार 7 करोड़ रपे दी लागत आई ऐ। 12 किलोमीटर लम्मी एह सुरंग लद्दाख तगर पुज्ज गी बधाग ते इस सुरंग कन्नै लास पस्सियां पौने आले इलाकें थमां बी लंघना नेई पौग। सुरंग करी गगनगीर ते सोनामर्ग बश्कार यात्रा दा समां घट्ट होई जाग। इस परियोजना कन्नै मेद ऐ जे सैलसफा गी बढ़ावा थ्होग, आर्थिक बाद्धा विकास होग। रणनीतिक स्हाबै लाह होग ते जम्मू ते कश्मीर ते लद्दाख दी समाजी ते सांस्कृतिक इकजुटता गी बढ़ावा थ्होग। सोनामर्ग च होने आले उद्घाटन समारोह दरान केन्द्रीय मंत्री नितिन गडकरी, डॉ. जितेन्द्र सिंह, उपराज्यपाल मनोज

सिन्हा, मुखमन्त्री उमर अब्दुल्ला ते होर दुए मन्ने परमन्ने दे लोक मजूद रौंहगन। प्रधानमन्त्री मोदी हुंदे दौरे दे गी दिक्खदे होई सुरक्षा दे पुख्ता बंदोबस्त कीते गेदे न।

<><><><><><>

Mahakumbh

दुनिया दा सब्बने शा बड्डा आध्यत्मिक ते संस्कृतिक किट्ट यानि महाकुंभ पौह म्हीने दी पुन्नेया दे मौके पर अमृत स्नान दे कन्नै अज्ज प्रयागराज च शुरू होई गेआ ऐ। लक्खां बद्धे श्रद्धालु अज्ज पवित्र नदिएं, गंगा, जमुना ते सरस्वती दे संगम आली थाहर यानि त्रिवेणी संगम दे बक्ख-बक्ख घाटें पर स्नान करै करदे न। महाकुंभ दा एह पर्व 26 फरवरी गी महा शिवरात्रि तगर जारी रौहग। 144एं बरें च इक बारी होने आली दुर्लभ खगोलीय संरचना इस बारी दे महाकुंभ गी मता खास बना करदी ऐ। एहड़े शाह पैहले जंदे कल तकरीबन 50 लक्ख श्रद्धालुएं त्रिवेणी संगम व स्नान कीता। महाकुंभ दरान श्रद्धालुएं लेई इक बधिया ते आध्यत्मिक अनुभव जकीनी बनाने लेई उत्थें सब्बे लोड्चदे प्रबंध कीते गेदे न।

<><><><><><>

Lohri

नमीं फसलें सरबंधी ध्यार लोहड़ी अज्ज पूरे उत्तर भारत च मनाई जा'रदी ऐ। एह ध्यार खास तौर पर पंजाब, हरियाणा, हिमाचल प्रदेश, दिल्ली, जम्मू कश्मीर ते चंडीगढ़ च मनाया जंदा ऐ। इआं मन्नेआ जंदा ऐ जे लोहड़ी दे ध्यार मगरा स्यालै दरान होने आलियां लम्मियां रातां घटना शुरू होई जंदियां न, दिन लम्मे होने शुरू होई जंदे न। लोक लोहड़ी आले दिन संजा लै अगग बालदे न, ओहदी प्रक्रिया करदे न ते मूंगफली, रेओड़ियां ते गजकें दा अर्ग दिंदे न ते फही इनें चीजें गी अपने दोस्ते, गौआड़िएं ते रिश्तेदारें गी बंडदे न।

<><><><><><>

Lohri Greetings

श्राष्ट्रपति द्रौपदी मुर्मू ते उपराष्ट्रपति जगदीप धनखड़ होरें लोहड़ी दे ध्यार दी ममारकबाद दिक्ती ऐ। राष्ट्रपति ते उपराष्ट्रपति होरें औने आले मक्कर संक्राति, पोंगल ते माघ बीटू ध्यारें लेई बी ममारकबाद दिक्ती ऐ। अपने इक सनेए च राष्ट्रपति होरें आखेआ जे एह सारे ध्यार देशै दी समृद्ध सांस्कृतिक विरासत दा प्रतीक न ते उंदे कन्नै लोकें दे जीवन च जोश ते खुशियां औंदियां न। तोआई उपराष्ट्रपति होरें आखेआ जे एह ध्यार देशै दी बाडी आली रूत गी त्मान देने दी सदिएं परानी परंपरा गी दर्शादे न।

<><><><><><>

Iran Talk

ईरान ते त्रै यूरापी मुल्खें बश्कार परमाणु मुद्दें पर गल्लबात दा त्रीआ गेड़ अज्ज स्विटजरलैंड दे जिनेवा च परतियै शुरू होग। दऊं दिनें दी इस बैठक च ईरान, जर्मनी, फ्रांस ते बरतानिया दे इलावा यूरोपी संघ दे प्रतिनिधि बी हिस्सा लेंगन। एह्दे शा पैहले ईरान सरकार दी प्रवक्ता फतेमेह मोहाजेरानी होरें आखेआ जे जेकर तीरान दे हितें पर बचार कीता जंदा ऐ तां ईरान अपने एटमी प्रोग्राम पर पच्छमी मुल्खें कन्नै गल्लबात लेई तैआर ऐ। ईरानी विदेश मंत्रालय दे प्रवक्ता इस्माइल बागई, हाल दे दिनें च आखदे रेह न ते अगली गल्लबात पैहलकी गल्लबात दे अग्गे चलोग ते ओह्दा विस्तार होग। एह बैठक ईरान दे सैहयोग दी कमी दे परते च अमरीकी समर्थन कन्नै ब्रिअेन, फ्रांस ते जर्मनी आस्सेआ रखे गेदे मसोदा प्रस्ताह दे बाद होआ करदी ऐ। इस सरबंधे च अंतराश्ट्रीय परमाणु ऊर्जा अजेंसी आईएईए दे सामने 21 नवम्बर 2024 गी पेश कीते गेइे प्रस्ताह 35 चा 19 वोटें कन्नै पास होआ हा। ऊर्जा अजेंसी नै रिपोर्ट दिक्ती ऐ जे ईरान कश एल्लै 170 किलोग्राम यूरेनियम दा भंडार ऐ जे ओ उेसी स्थिति च पुज्जा करदा ऐ ते दस भंडार दा 90 फीसद तगर बाद्धा होई सकदा ऐ। तोआई ईरान इस गल्लै दा खंडन बी नेई करदा पर ओह्दा दावा ऐ जे पूरे नियम दा इस्तेमाल छड़ा शांतिपूर्ण उद्देश्यें लेई गै कीता जाग।

<><><><><><>

EAM

विदेश मंत्री डॉ. एस.जयशंकर होर अज्ज सपेन दे दऊं दिनें दे अधिकारिक दौरें पर रवाना होआ करदे न। बतौर विदेश मंत्री स्पेन दा एह उंदा पैहला दौरा होग। इस दौरें दरान डॉत्र जयशंकर होर उत्थूं दे केई बड्डे नेताएं कन्नै मिलगंन ते बक्ख क्षेत्रें च भारत-स्पेन सरबंधें गी व्यापक ते निग्गर बनाने बारे गल्लबात करगंन। उंदा स्पेन दे अपने हमरूतबा मैनुएल अलबेरस हुंदे नै मलाटी लाने दा बी कार्यक्रम ऐ जिस दरान ओह् आपसी हितें दे केई दपक्खी ते अंतराश्ट्रीय मुद्दें पर बी उंदे नै सलाह सूत्र करगंन। डॉ. एस.जयशंकर होर स्पेन दे राजदूतें दी 9मीं सलाना कांफ्रेंस गी बी संबोधत करगंन ते कन्नै उत्थें रवा करदे भारतीय मूले दे लोकें कन्नै बी मलाटी करगंन।

<><><><><><>

IMD

भारतीय मौसम विभाग नै अज्ज पंजाब, चंडीगढ़, दिल्ली ते पच्छमी राजस्थान च मती ठंड आली स्थिति बनी दी रौहने दी पेशगोई कीती दी ऐ। मुल्खे दे उत्तरी पूर्वी ते पूर्वोत्तर राज्ये च अगले दऊं दिनें दरान बउलै ते संजा लै धनी धुंध पौने दे आसार दस्से गेदे न। मौसम विभाग नै अज्ज ते कल अयणचल प्रदेश, असम, मेघालय, नागालैंड, तमिलनाडू, पुदुचेरी, केरल, करायकरल ते मोहे च गर्जी चमकियै बरने दे इमकान दस्से न। विभाग नै आखेआ ऐ जे पच्छम, मध्य ते उत्तर पच्छमी भारत च अगले दऊं दिनें दरान घट्टोघट्ट तापमान 2 शा 3 डिग्री होर झिगड़ा जाई सकदा ऐ। पर ओहदे बाद अगले 3-4 दिनें दरान तापमान 2 कोला 4 डिग्री तोड़ी बधी सकने दे बी आसार न। तोआई मुलखे दे पूर्वी हिस्से च बी अगले दो-त्रै दिनें दरान तापमान 2-3 डिग्री उप्पर जाई सकदा ऐ।

<><><><><><>

Kho Kho World Cup

खो खो विश्व कप 2025 अज्जै थमां नमीं दिल्ली दे इंदिरा गांधी इंडोर स्टेडियम च शुरू होने जा'रदा ऐ। भारतीय ओलंपिक संघ आस्सेआ आयोजित इस विश्व कप दे उदघाटनी सत्र च मर्दे दियां 20 ते 19 महिजा टीमां हिस्सा लैंगन। खो खो फेउरेशन ऑफ इंडिया नै मर्दे ते महिलाएं दिएं प्रतियोजिताएं लेई 15-15 खडारिएं आलिएं टीमें दी घोषणा कीती दी ऐ। प्रतीक वायकर िुंदी अगुवाई आली भारतीस च मर्दे दी टीम नेपाल, पेरु, ब्राजील ते भूटान सनें गुप "ए" च ऐ जिसलै जे भारत दी महिला टीम जेह्दी कपतानी हप्रयांका इंगले करा करदियां न, ओहदे सनें ईरान, मलेशिया ते कोरिया गणराज्य दियां टीमां बी महिलाएं दे गुप "ए" च रखियां गेदियां न। चौनें गुपे चा अब्बल दऊं टीमां क्वाटर फाइनल च जांगन जिसलै जे फाइनल मकाबले 19 जनवरी गी होंगन। भारती मर्दे दी टीम अपने अभियान दी शुरूआत अज्ज रातीं साढे 8 बजे नेपाल खलाफ खेडदे होई करगंन।

<><><><><><>

Delhi Assembly Elections

भारतीय जनता पार्टी नै दिल्ली विधानसभा चुनाएं लेई मुस्तफानाद हल्के थमां दिल्ली दे वर्तमान विधायक मोहन सिंह निष्ट होरें गी पार्टी दा मेदवार घोशत कीता ऐ। जंदे कल पार्टी नै मेदवारें दी दूई सूचि जारी करियै 29 नाएं दी घोशणा कीती ऐ। हुन तगर बीतेपी नै दिल्ली दे 70 विधानसभा हल्के चा 58 हल्के लेई अपने मेदवारें दी घोषणा करी दित्ती दी ऐ।



Women Cricket

महिला क्रिकेट च भारत नै इक रोजा अंतर्राष्ट्रीय मैचें दी श्रृंखला कल आयरजॅड गी 116 रंजें कन्नै हराइयै 2-0 कन्नै अपने नां करी लैती ऐ। राजकोट दे सौराष्ट्र क्रिकेट एसोसिएशन स्टेडियम च खेड्डे गेदे श्रृंखला दे दुए मैच च भारत नै पेहले बल्लेबाजी करदे होई 50एं आवेरें च 5एं विकटें दे नुक्सान पर 370 रंज बनाए जेह्दे परते च महमान टीम 7एं विकटां मोहाइयै 254 िज गै बनाई सकी ते श्रृंखला भारत दे नां होइ गेई। उआं श्रृंखला दा त्रीआ ते खीरला मैच बुधवारें राजकोट च गै खेड्डेआ जाग।

